



WUKWASHI WAKUFUMA MWIWULU

**Wasakwili mazu
diyi
Watson Goodman**

**Mukand'iwu hiwukweti wuseyaku,
hiwaku landishaku**

“Wukwashi wakufuma mwiwulu.” Mumukandiwu mudi mazu akufuma muMukanda waNzambi, akunonojola mwacheji namwacheji, ayaḡa mwaya nsaḡu mwaya nsaḡu. Neluki nami mazu amuBible amu alumbululaḡa mazu amakwawu chakubadika kuyilumbulula kudantu.

Mazu aNzambi afuma mwiwulu, akwashaga nankashi antu adi nanzala nimpwila yakuloḡa. Neyi muntu wukubalumuka mumuchima windi, hakuleka nshidi, hakutambika Mwanta Yesu Kristu enzi nakushakama mumuchima windi, hakukuhwelela Mwanta Yesu Kristu namuchima windi wejima nindi hiChamwinu chami, hohenuhu Mwanta wakadimwekesha kudi yena nakumwinka muzagaḡalu windi nikuwunda mumuchima wakuwelela dehi. Dichi chinamweni hamwaka wa 1937, kufuma hana nashakami nakutiyaḡana naMwanta mafuku ejima. Neyi eyi wuchidi kanda wumwitiyi, nakulembeleli nami, wudilubuli HOHANU kudi yena ekali Chamwinu cheyi niMwanta.

—Watson Goodman

Kukeņa kwaNzambi

1

Yowanu 13:1

Henohu chawija chapaseka chichidi kanda, Yesu welukili nindi mpinji yami yakufuma mumpata yamunu mwishina niyi kudi Tata yinashiki dehi. Chakeneliyi antu indi adiņi mumpata yamunu mwishina, wayikeneli hachikupundo nikunsa.

Chimwekeshu 1:5

Kuwunda kwakufuma nikudi Yesu Kristu, yowu chinsahu washinshika, yowu wedi wamudi afu, yowu nyuli yawanyanta aheseke. Yena watukena watuwelesheli nyiloņa yetu namashi indi.

Yowanu 3:16

Chaswejeliyi Nzambi kukeņa mpata yamunu mwishina, waheni Mwanindi wumu hohu, kulonda muntu wukumukuhwelela aheti wumi wahaya nyaka, akabuli kunoņa.

ARoma 5:8

Ilaņa Nzambi wamwekeshana kukeņa kwindi yomweni kudetu, hohitwachidiņi akwanshidi Kristu watufwilili.

Yeremiya 31:3

Yehova wamwekeni kudami hanyaka, nindi, Nakukeni kwahaya nyaka; dichi nakukoki naluwi.

1 Timotewu 3:16

Nsangu yakwakama Nzambi yajindiluwu yasweja kulema nankashi, hiyatadikewanaku; Nzambi amwekesheluwu mumujimba, ayinishiluwu mudi Spiritu amwenuwu kudi anelu, ashimwinuwu munyuza, etiyiluwu mumpata yamunu mwishina, atambwiluwu mwiwulu mulubanzi lwakulema.

Matewu 1:22, 23

Elili mwejimimu kulonda mwa-hosheliyi Yehova mudi kaprofwe-tu mwakalumbuluki, mweliliyi nindi, Tiyenu, mujiki wakabaaba ivumu, wakavwala mwana weyala, akamutumba ijina dindi nawu;

Emanuweli; daya mukwila nawu, Nzambi wudi nanetu.

Yowanu 14:9, 10a

Yesu hakumwila nindi, Eyi Fwilipu, munashakami nenu mwejimimu, wubuli kuniluka? Muntu nanmonami namoni Tata. Wunelilidi neyi, Tuleji Tata? Chinekalami mudi Tata, niTata mudami, eyi kwitiyamu nehi? . . .

Yowanu 1:1 ni 14

Hatachi hadiqi Izu, Izudadiqi naNzambi. Izu dadiqi Nzambi. . . Izu dabalumukili kwikala muntu; washakamini mukachi ketu. . . wasweja luwi ninsangu yalala.

1 Yowanu 4:15

Muntu wukwiteja nindi Yesu hiMwana kaNzambi, Nzambi washakama mudi yena, niyena washakama mudi Nzambi.

AKolose 2:9

Muloŋa mumujimba windi yena (Kristu Yesu) dimu mwashakama wuNzambi wejima muwushika.

Luka 1:35

Kaŋelu hakumwakula nindi, Spiritu Wajila wakenza hadeyi; novu jaMukwakubadika Mwiwulu jakakuzenamina; dichi chuma chiwakavwala akachitena nawu chajila, hiMwana kaNzambi weyala.

Isaya 9:6

Muloŋa kudetu kunavwaliki mwana, anatwinki mwana weyala; wakasenda wanta hachifwiji chindi; ijina dindi akaditena nawu, Wakuhayama, Mukwakuleja akwawu maana, Nzambi waŋovu, Tata wahaya nyaka, Kalamba wakuwunda.

Matewu 17:5

Iku wuchidi kuhosha, kutala ivu ditooka hidikuyizenamina; kutiya niizu hidikufuma mwivu odu nindi, Diyi Mwanami nakeŋa, natiyaŋa kuwaha nankashi mudi yena; mutiyililenu.

4 Mwanta Yesu hakudishimuna

Yowanu 8:23

Yena hakuyila nindi, Enu mudi antu ampata yamunu mwishina, ami nidi wamwiwulu; enu mudi ampata yinu, ami hinidi wampata yinuku.

Yowanu 11:25

Yesu hakumwila nindi, Yami kusanuka; Yami kuhandu. Muntu wankuhwelelami, hela wukufwa wakahanda.

Yowanu 13:13

Enu mwanilana nenu, Eyi Nkulana; cheji nawa nenu, Eyi Mwanta. Mwelana chachiwahi, mulona dichi chinidi.

Yowanu 9:5

Hohanu hinichidi mumpata

yamunu mwishina, nichejeji champata yamunu mwishina.

Yowanu 6:35

Yesu hakuyila nindi, Ami yami nshima yawumi; muntu wukwinza kudami hakutiya cheji nzalaku, muntu wukuakuhwelela hamba katiya cheji mpwilaku.

Yowanu 8:58

Yesu hakuyila nindi, Chalala chalala, nukuyileja nami, hadiji Abarahama kanda avwaliki, ami nidi hohu.

Yowanu 10:7

Dichi Yesu hakuyila nindi, Chalala chalala, nukuyileja nami, yami chisu chawanyikoku.

Yinjikijilu yimu yeliliyi Mwanta Yesu

5

Matewu 14:19-21

Hakuleja mazaza awantu nindi ashakami hamatahu; haku-tambula owu mankendi atanu ninoju inshi jiyedi, hakutala kwi-wulu, hakukisula nkisu, haku-humuna mankendi, hakuyinka atumbanji, atumbanji hiyakwinka mazaza. Adiili wejima wawu ekutili; anoneni yibalu yashe-luhu mabanu ikumi namabanu ayedi ato-o. Adiili adini amayala kwiji neyi makombakaji atanu, kubombelaku niambanda nianyana.

Luka 5:5, 6

Shimona hakumwakula nindi, Mwanta, tunakabakani wufuku

wejima, kabakane-e, kukwata nehi ilaŋa ichi chiwunahosheyi nukukumina dakulalumuna mawanda. Chaneluwu mwenimu, apompeshelelumu ilembu danshi dadeni; nimawandawu hiyakukena kuketuka.

Matewu 20:30 ni 34

Kutala amputamesu ayedi anashakami kunsu yanjila, chanatiyuwu nawu Yesu hakuhita, hiyakubilela nawu, Eyi Mwanta, mwana kaDavidi, tutiyili luwi. ... Yesu hakuyitiyila wushona, hakuyikunka kumesu awu; atona nihohenohu, hiyakumulonda.

AKolose 1:16

Muloŋa mudi yena dimu mwaleneluwu yuma yejima, niya-mumawulu nyahamaseki; ni-yuma yamonewaŋa, niyuma yakámonewaŋa; hela matanda awanta, hela mawanta antúumba, hela akwakuyula, hela akwaŋovu. Yuma yejima ayilenelili mudi yena; diyi aleneluwu yuma yejima.

AHeberu 1:2

Hamafuku anu akukuminina, Nzambi nahoshi nanetu mudi Mwana ákunjikiliyi kwikala nswana yayuma yejima, mudi yena dimu mwaleneluwu matuŋa amakonu ejima.

Yowanu 1:3

Yuma yejima ayileneli kudi yena. Hikwekala chuma chaleneluwu chakubula yena kuchi-lenaku.

Yililu 2:36

Dichi enu akwamutaŋa walšarela ejima, ilukenu, kwenu chalala, iwu Yesu mwápopeleli kukulusu, Nzambi namubalumuni dehi kwikala niMwanta diyi, niKristu diyi.

1 AKorinda 1:9

Nzambi washinshika, yowu wayitambikili kulonda mukundanani naMwanindi Yesu Kristu, Mwanta wetu.

Yesu Kristu diyi Nsompeshi yawantu ejima 7

ARoma 14:10

Eyi mukwetu, wasompeshela-
nadi mana kweyi? Cheji nawa, eyi
mukwetu mukwawu, wasekeshe-
lanadi mana kweyi? Muloŋa
wonsu wetu twamba kemana
kwitanda daNzambi dakuso-
mpela.

Matewu 25:32

Akapompesha nyuza yejima ku-
mesu indi; wakaambola muza
namuza, neyi chaambulanayi ka-
biŋa anyikoku nawampembi.

Yowanu 5:22

Tata hasompeshana muntuku,
nakunjiki kusompesha kwejima
kudi Mwana.

ARoma 2:16

Hefuku damba kasompeshayi
Nzambi naYesu Kristu yuma ya-
wantu yakujinda, mwaya nsanu
yayiwahi yinashimunanaŋami.

2 Timotewu 4:1

Nakuleji kumesu aNzambi ni-
kumesu aKristu Yesu, wakaso-
mpesha amomi niafu, nanochu
chakamwekanayi nawanta windi.

Yililu 10:42

Yena hakutuleja nindi tushi-
mwini antu, tushimuni wunsahu
wakutena netu yenowu diyi ana-
fuukuluwu kudi Nzambi kwikala
mukwakusompesha niamomi
niafu.

8 Kuhanda chinja mudi Kristu hohu bweni

AHeberu 5:9

Dichi chaneliyi walala chikupu, hakwikala mukwakubuza njila yawamwinu wahaya nyaka wawejima akumwovwahila.

AHeberu 7:25

Dichi yena natweshi kwamwina chikupu antu akundamaŋa kwakwihi naZambi nayena, nanichi chahandayi yena haya nyaka nakuyilebelela.

Yililu 4:12

Hikwekala kuhanda mudi wa cheŋuku, muloŋa munu mwishina mukachi kawantu hiyanenkumu ijina dacheŋi dakuhanda nachuku.

Yowanu 10:9

Yami chisu; neyi muntu wukwiŋilila mudami wukuhanda, wukwiŋilana wukwidikana, wukuwanana kuwudiilu.

Yowanu 14:6

Yesu hakumwila nindi, Ami yami njila, yami walala, yami wumi. Kwosi muntu niwumu wukwinza kudi Tata chinja hadami.

Yowanu 8:24

Dichi chinayili nami, Mwakafwa nanyiloŋa yenu. Muloŋa neyi mukubula kuŋitiya nenu diyi ami, mwakafwa nanyiloŋa yenu.

Kutukuula chinga mudi Kristu hohu bweni 9

Akolose 1:12-14

Nakumusakilila Tata natu-
balumuni tutweshi kwikala atela
kutambula iseka detu kuwu-
swana wawakwakujila muchejeji.
Yena natupulwishi muḡovu ja-
mwidima, natututulwili twiḡili
muwanta waMwanindi akenayi.
Mudi yena tukweti kutukuula,
yowu kutwanakena nyiloḡa yetu.

Luka 19:10

Muloḡa Mwana kamuntu nenzi
akakenakeni, akaamwini waji-
mbeli.

1 AKorinda 1:30

Ilaḡa kudi yena enu mwekala
mudi Kristu Yesu, yena anamwi-
lishi kudetu maana akufuma

kudi Nzambi, nikuloḡa, nikujila,
nikukuula.

Titusa 2:14

Yesu Kristu wadiheni hadetu
kulonda atukuuli kukuluwa kwe-
jima, aditookesheli antu aku-
dihetela, akuta nyichima hany-
idimu yayiwahi.

Chimwekeshu 5:9

Hiyakwimba kamina kakaha
nawu, Wunateli kutambula mu-
kanda nakulamona yilamiki ya-
wu; muloḡa akujahili, wunamu-
kuulili Nzambi antu akunyichidi
yejima, akumadimi ejima, aku-
matuḡa ejima, akunyuza yejima,
namashi eyi.

ARoma 5:9

Dichi dinu, chitunekali dehi aloŋa namashi indi, twakabadika kupuluka kukuzuwa kwa-Nzambi hamujimba wayena.

AEfwesesa 1:7

Mudi yena dimu tukweti ku-kuula kwanatukuuluwu namashi indi, yowu kutwanakena nyiloŋa yetu, mweseka maheta aluwi lwindi.

1 Yowanu 1:7

Neyi twendana muchejeji, neyi chekalayi yena muchejeji, twakundananana wumu namukwawu, nimashi aMwanindi Yesu atutookeshana nshidi yejima.

1 Petulu 1:18, 19

Nakwiluka nenu, chayikuuliluwu kukwenda kwenu kwamukunkulwayi kumwatambwili kudi ankakulula jenu, hiyayikuulili nayuma yatokaŋaku, hela siliva nawuru, ayikuulili namashi alelma, adi neyi amwana kamukoku wakadi hatamayi hela ihuji, wowu mashi aKristu.

Komana mashi aKristu, wadilambwili kudi Nzambi chakadi hatamayi, mwomudi Spiritu wahaya nyaka, akubadika nankashi kutookeshana chinleji chenu chamuchima, chambuki kunyidimu yafwa kulonda kukalakela Nzambi wamumi. —AHeberu 9:14

Kuhanda nakukuhwelela Kristu

11

A Efwesesa 2:8, 9

Muloŋa anayihandishi naluwi kwokukuhwelela; hiyenu awenuku, hichamukunkulu chambala cha Nzambi; hichakunyidimuku, kulonda kubuli muntu wukudisamba.

A Roma 5:1

Dichi chitunekali dehi aloŋa nakukuhwelela, tukweti kuwunda na Nzambi mudi Mwanta wetu Yesu Kristu.

A Jalija 5:6

Muloŋa mudi Kristu Yesu, kwalama hela kubula kwalama hi kwakwashanaku, chiŋa yowu kukuhwelela kwakalakalana nakukenya hohu.

1 Yowanu 5:4

Wavwalika kudi Nzambi wemikaŋa mpata yamunu mwishina mushindu; mushindu wunafwomoni mpata yamunu mwishina yowu kukuhwelela kwetu.

Yowanu 20:31

Ilaŋa yeniyi anayisoneki kulonda mwitiyi nenu Yesu diyi Kristu, Mwana ka Nzambi, kulonda chimukwitiya chakukuhwelela mumoni wumi mwijina dindi.

Hiyakumwihula nawu, Chiŋa twili ŋahi kulonda tukalakalana nyidimu ya Nzambi? Yesu hakwaku nindi, Mudimu wakumukalakela Nzambi yowu kwitiya yena atemesheliyi. —Yowanu 6:28, 29

Chimwaleha iwulu nahanu hese-ki, dimu mwashika niluwi lwindi kutoha lwaanakenanayi awa amwakamana. —Masumu 103:11

Masamu 103:17

Kwinza luwi lwaYehova lwaku-yitiyilana antu amwakamana, lwakufumisha kunyaka yejima nakutwala kunyaka yahaya nyaka, nikulona kwindi kwashika kudi ezukulu awu.

Masamu 108:4

Mulona luwi lweyi lweneni lwabadika nimawulu, nsanu yeyi yalala yashika kumavu.

Mika 7:18

Nzambinyi wudi neyi eyi, wanakenana kuluwa, wapandaka-

nana hamulona wawantu awu-swana weyi anashali? Yena hazuwana zuwee-ku, mulona watiyana kuwaha nankashi naluwi.

Mukena 3:22, 23

Chanabuli kutunungunawu lwoluwi lwambala lwaYehova lwavula, niwushona windi wabulana kukuma. Wabalumukana kwawu wawiha habudidi habudidi; kashinshi keyi kasweja.

Titusa 3:5

Watwamwinini, bayi nanyidimu yakulona yitwelili etu awenuku, ilana mwaya luwi lwindi, nakuwelesha kwakuvwalika kwakwiha, nakutubalumuna twikali amaha kudi Spiritu Wajila.

Nzambi watutambikaŋa nindi, Inzenu kudami

13

Matewu 11:28

Inzenu kudami enu ejima mudi nakukabakana, mwasenda yalema, ami nukuyinookesha.

Chimekeshu 22:17

NiSpiritu ninsumbuki hiyakwila nawu, Inzaŋa. Muntu wukutiya niyena eli nindi, Inzaŋa. Muntu wudi nampwila enzi, yowu wuku-keŋa kutambula, atambuli meji awumi chakadi kulanda.

Yowanu 7:37

Hefuku dakukuminina, dodifuku dalemene chawija, Yesu hakwimana nakubidika, nindi, Neyi

kudi muntu natiyi mpwila, enzi kudami anwi.

Isaya 55:1

Wo-o! Enu ejima munatiyi mpwila, inzenu kumeji; nimuntu nabuli mali, inzenu, mulandi, mudyi. Landenu vinyu namayeli akadi mali, akadi wuseya.

Isaya 1:18

Yehova nindi, Inzenu tutiyaŋa-nenu, hela neyi nshidi jenu jichinana, jakatooka to-o neyi mpeza; hela neyi jichinana nge, jakatooka neyi wanda.

Kweniku diku kwamwekenana anyana kaNzambi nianyana ka-diyabolu; muntu wabulana kwila yalana, hela wabulana kukenana mana kwindi, hiwakudi Nzambuku. —I Yowanu 3:10

ARoma 8:14, 15

Mulana antu ejima alombolana wu kudi Spiritu yaNzambi, diwu anyana kaNzambi. Mulana hi-mwatambwili spiritu yawudunu mwaka mutiyi cheji womaku; mwatambwili spiritu yakwikala anyana, yowu twatambikana nachu netu, Aba, Tata!

Kulonda mwikali akadi hakuyinkela mulana, alala, anyana kaNzambi akadi hatama, mukachi

kawantu amakonu aheha achinchika. Mukachi kawu mwatonekana neyi manogu mumpata yamunu mwishina. —AFwilipi 2:15

Ilanga ejima amutambwili, wayinkeli novu yakwikala anyana kaNzambi, wowenawa akukuhwelela ijina dindi. —Yowanu 1:12

2 AKorinda 6:17, 18

Dichi dinu Yehova nahoshi nindi, Fumenu mukachi kawu, ambukenumu, bayi mukunka kuchuma chatamaku, ninami nukuyitambula; nukwikala Tata yenu, ninenu mukwikala anyanami amayala nawambanda; dichi chana-hoshiyi Yehova Watwasha yejima.

Mwahoshanyayi Nzambi Hansanyu Yawalwa 15

ADalija 5:19-21

Nyidimu yachisemwa chaheseki hiyakuyambaku. Diyeniyi; wuvumbi, wuzondu wamumuchima, kufwila yatama, kupesha, kupanda, kuhelanya, kuzanya, ichima, madombu, kukokwela kwenu, kudambola, kwitiya nsanyu yaheya, lwisu, kusheta, yisela, niyuma yidi neyi iyi. Yenyi nukuyileja munayilejeli dehi, nami antu akwila mwenimu hiyamba kaswana wanta waNzambuku.

Isaya 5:11

Yayo, amenekeshanya budidi kulonda akanwi walwa; ashakamanya shakame-e nimukachi kawufuku nichichakushetawu vinyu!

ARoma 13:13, 14

Twendenu chalumbuluka neyi chahamwaana; bayi nayisela nakushetaku, bayi nawusenji nakubajamaku, bayi nandombu nechimaku. Ilaya divwikenu Mwanta Yesu Kristu; bayi mukenya yakukwasha nachu chisemwa chaheseki, kulonda muwanishi kufwila kwachuku.

Yishimu 23:31,32

Bayi wutala chachinananya walwa, chiwelanya mulupasa nge-e, chiwahitanya hamudiwu chachiwahuku. Hakukuminina hiwukusumananya neyi kapela, hiwukukulawukila neyi kabandayula.

16 Kashinshi keyeyi aweni hohu kakakanyanya

Matewu 22:37,38

Hakumwila nindi, Keŋaku Yehova Nzambi yeyi namuchima weyi wejima, nawumi weyi wejima, namaaneyi ejima. Dilu lushimbi lwabadika lwakusambila.

Maku 10:17b-22

...Eyi Nkulunana wamuwahi, nukwila nahi kulonda nakaswani wumi wahaya nyaka? Yesu hakumwila nindi, Wukuntenenadi neyi muwahi? Hosi muwahuku, chinga Nzambi hohu: Nshimbi wajiluka dehi nawu, Kujaha muntu chinjila. Kwila wuvumbi chinjila. Kwiya chinjila. Kushimuna wunsahu waktwamba chinjila. Kudiila mukwenu yawukombi chinjila.

Lemeshaku tata yeyi namama yeyi. Yena hakumwila nindi, Eyi Nkulunana, yuma yejimiya nayihembi dehi kufumisha kuwansi. Yesu hakumushinshika, hakumukeŋa, hakumwila nindi, Kunashali chuma chimu hohu; yana wakalandishi yuma yeyi yejima winki atuzweni, eyi wakaheta maheta mwiwulu; winzi wunlondana. Ilanga yena hakudihomba kumesu nezu odu, hakudiyila kwindi naku- neŋa; mulona wadiŋi muntu wahe- ta maheta amavulu nankashi.

Yishimu 16:25

Kwekala njila yamwekana kudi muntu neyi yalona; komana kuyakumina hinjila jakufwa.

AEfwesesa 5:6

Bayi ayidimba kudi muntu namazu akuhemeshaku; muloŋa hansaŋu yayumiyi dihu henjilaŋa kuzuwa kwaNzambi hadi akwakujikwa.

Yakoba 1:22

Ikalenu akwakwila mwaya mazu, bayi akwakukumina dakutiya hohu nakudidimba enu awenuku.

1 AKorinda 6:9,10

Enu kwiluka nenu abula kulonja hiyamba kaswana wanta waNzambuku, nehi? Bayi ayidimbaku; hela ayivumbi, hela akwakupe-sha, hela akwawusenji, hela amayala adilisha neyi ambanda, hela aditamishaŋa nawakwawu ama-

yala, hela amakombi, hela akwalwisu, hela akwakusheta walwa, hela akwakutukana, hela akwan-yilami, hiyamba kaswana wanta waNzambuku.

1 Yowanu 3:7, 8a

Enu anyanami anyanya, bayi mwiteja kuyiluwaŋesha kudi muntuku; muntu welonja yalonja walonja, chochalonjayi yomweni. Muntu wavulumunana wakudi diyabolu kwindi; muloŋa diyabolu wavulumunana ho-o kufumisha kutachi. . . .

Muntu wadimonana yomweni nindi nimuntu walema, iku wamukukulwayi, nadidimbi tuhu kwindi.

—ANalija 6:3

ARoma 5:12

Dichi kudi iyala wumu nshidi yegilili mumpata yamunu mwishina, ninshidi yaleteli kufwa; chochenochu nawa nikufwa kwashikeneni antu ejima, muloŋa wejima wawu avulumwini.

Yakoba 1:15

Dichi kufwila kwatama chikukubaaba ivumu hikukuvwala nshidi; nshidi chiyikukula hiyikuvwala kufwa.

Ezekeli 18:20

Muntu wukuvulumuna diyi wukufwa. Mwana hakakoola kuluwa kwatata yinduku, hela tata yindi hakakoola kuluwa kwamwani-nduku. Kuloŋa kwamukwakuloŋa

kwakekala hadi yomweni, kutama kwamukwakutama kwakamukumina yomweni.

ARoma 8:6

Yitonojoka yachisemwa chahe-seki hikufwa, ilaŋa yitonojoka ya-Spiritu hiwumi nikuwunda.

Luka 15:32

Twadi kwila ŋahi? Tubuli kuloŋa nikuzanala? Iwu mana kweyi wafwili, nahandi cheŋi; wajimbeli, namwekani.

Yishimu 11:19

Muntu wakakela kuloŋa wakashika kuwumi; muntu walondeja-ŋa yatama walondelaŋa kufwa kwindi yomweni.

Yowanu 11:43,44

Chanahoshiyi mwenomu, haku-bidika nezu daḡovu nindi, Eyi Lazaru, idikakumu! Muntu wadiḡi wafwa hadwidikamu, chochamuji-ḡajiḡawu kumakasa nikunyendu namahina akuḡika nachu, kumesu aḡiḡiluka ihina. Yesu hakuyila nindi, Musubulenu ayi.

Yowanu 10:17,18

Dichi chankeḡelayi Tata muloḡa nukutula wumi wami kulonda nakawutambuli cheḡi. Kwosi wawuntambulaḡaku, nawutulaga ami aweni. Nikweti ḡovu yakuwutula, nikweti nawa ḡovu yakuwutambula cheḡi. Dimu mwananlejuwu kudi Tata yami.

Luka 7:14, 15a

Hakuswila kwakwihi hakukun-ka kumutembu; átembekeli hi-yakwimana ku-ka. Hakwila nindi, Eyi mukwenzi, nakwili nami hi-ndukaku. Owu wafwili ashakama nikushakama, atachika nikuho-sha...

Chimwekeshu 1:18

Yami Mumi; kufwa nafwili, hakwinzichi nahanda haya nyaka nanyaka. Nsapi jakufwa nijakaluḡa jidi nanami.

1 AKorinda 15:25, 26

Chiḡa akayula yule-e, nichamba kadatayi ayilumbu jindi ejima. Chilumbu chakukuminina akanoḡeshayi, yowu kufwa.

Kuhituluka 5:7-21

Kwikala nawakishi akulunjika kudami, chinjila.

Kudilila mukishi wakusona wakufwikija hela chuma chamwiwulu mumawulu, hela chahamaseki munu mwishina, hela chamumeji mwishina damaseki, chinjila; kudifukula kudi wena hela kuyipesha, chinjila. . .

Kutena ijina daYehova Nzambi yeyi namaswimbu, chinjila; Yehova hakayinisha watenaga ijina dindi namaswimbuku.

Shaku muchima kwifuku dasabata, wudijiliki, mwakulejeliyi Yehova Nzambi yeyi. Mafuku atanu nadimu wakakalakali, wa-

kakoŋi nyidimu yeyi yejima. . .

Lemeshaku tata yeyi namama yeyi, mwomwakulejeliyi Yehova Nzambi yeyi. . .

Kujaha muntu, chinjila.

Kwila wuvumbi, chinjila.

Kwiya, chinjila.

Kushimuna wunsahu wakatwambila mukwenu, chinjila.

Kwikala nalwisu lwanodamukwenu, chinjila; kwikala nalwisu lwetala damukwenu, hela lweha dindi, hela lwanamba yindi weyala, hela lwanamba yindi wamumbanda, hela lwanombi yindi, hela lwachimbulu chindi, hela lwachuma hichuma chambala chamukwenu, chinjila.

Yoba 34:21, 22

Muloŋa mesa indi atalaŋa mwendelaŋa muntu, wamonana mwayanayi mwejima. Hikudi mwidima, hela wulelu wakufwa, kwakubatama akwakukoŋa yakuluwaku.

Masamu 139:8 ni 12

Hinili nami nikandami mwiwulu, yeyi awa; nami nikambami mukaluŋa, yeyi awa. . . Mwalala mwidima hikwukutwesha kunsweka kudeyuku, wufuku wutooka to-o neyi mwaana. Nimwidima nimwaana hohamu hohu.

Yeremiya 23:24

Yehova nindi, Muntu atweshi kubatama kumbeŋu nakumbeŋu

kwakubula kumumona kudami, tahindi? Yehova nindi, Hiyami inenzali nimwiwulu nihesekuku?

Yishimu 15:3

Mesu aYehova adi kwejima, atalaŋa niatama niamawahi.

Luka 8:17

Muloŋa hikwekala chuma chabutaŋawu chikubula kumwekana hatookaku; hela chuma chakujinda chikubula kutiyakanaku, chikwidika hatooka.

AHeberu 4:13

Kwosi chuma chaleneluwu chinabuli kumwekana kumesu induku, yuma yejima yidi nzekesi, yidi hatooka kumesu ayena itwamba kadimona nindi.

Akwakusekesha Nzambi Kusompesha Kwawu Kwahaya Nyaka

Matewu 13:41, 42

Mwana kamuntu wakatemesha anelu jindi akafumishi muwanta windi yuma yadimbwishana yejima, niáluwana. Akayinatila muluteni lwakesi, mwakekala kudila nakudisumona kumaji.

Matewu 18:8

Neyi chikasa cheyi, hela mwendu weyi wakudimbwishana wuketuli, wuwunatili kwakulehi naneyi; chinawahi kwiñila muwumi nawufwayi hela nawulema; kukunatila mukesi kahaya nyaka wudi namakaseyi ayedi, hela nanyendu yeyi yiyedi, hichinawahuku.

2 Petulu 3:7

Hakwinza mawulu niiseki aduku katataka, anayiswekeli kesi nezu dodimu, anayiswekeli ifuku dakusompesha nikujilumuka kwawantu asekeshana Nzambi.

Matewu 25:46

Wenawa akaya kwawu mukubabesha kwahaya nyaka; aloña akaya muwumi wahaya nyaka.

ARoma 1:18

Muloña kuzuwa kwaNzambi kunamwekani kwiwulu, kwakuzuwila kasekesha kakusekesha Nzambi kejima, nikuheña kwawantu awa alabishana nsanu yalala nakuheña kwawu.

Yililu 17:31

Muloŋa nashumu dehi ifuku damba kasompeshayi matuŋa mwaloŋa, neyala anafuukuliya dehi. Mwenomu nakolesumu dehi kudi antu ejima, nanochu chanamusanguliya mudi afu.

2 Petulu 2:9

Komana Yehova weluka kupuwisha akwakumwakama mukweseka, weluka kusweka abula kulona mukubabesha, akashiki kwifuku dakusompesha.

1 Yowanu 4:17

Diku kunawanini kukeŋa mudetu chikupu, kulonda tubuli woma mwifuku dakusompesha;

muloŋa chadiyi yena, dichi chitudi ninetu munu mwishina.

AHeberu 9:27

Dichi dinu chaneluwu antu anayifuukwili kufwa kamu, nkumininaku hikusompesha.

2 AKorinda 5:10

Wejima wetu chiŋa twakamwekana kwitanda daKristu dakusompela; kulonda twakatabuli yuma yitwelili hitwadiŋi munyijimba hamuntu hamuntu, iwu mweliliyi, iwu mweliliyi, hela yayiwahi hela yatama.

ARoma 14:12

Dichi dinu, wejima wetu twamba kalumbulula kudi Nzambi mutwelaŋa hamuntu hamuntu.

1 Petulu 5:5b

...Nzambi wadikaŋa nawa-
kwakudinka wanta, hakwila
akwakudizoza wayinkaŋa luwi.

ARoma 9:16

Dichi hichidi kudi wákeŋaŋa,
hela kudi wádikwatishaŋaku,
chiŋa kudi Nzambi wukweti luwi
hohu.

ARoma 5:15

Ilaŋa chamukunkulu chaluwi
hichinesekeŋi namuloŋaku. Cha-
fwiluwu antu amavulu nakuvulu-
muna kwamuntu wumu, komana
luwi lwa Nzambi nichamukunkulu
chenjili naluwi lwamuntu wumu,
yowu Yesu Kristu, chikuyiswe-
jela nankashi antu amavulu.

Yililu 4:33a

Apostolu hiyakushimuna naŋo-
vu yayeni wunsahu wawu waku-
saŋuka kwasanukiliyi Mwanta
Yesu mudi afu. Luwi lwalweni
hilukuwanina wejima wawu...

2 AKorinda 9:15

Tumusakililenu Nzambi nansa-
ŋu yachamukunkulu chindi cha-
kaŋanya kushimunewa.

2 AKorinda 8:9

Muneluki luwi lwa Mwanta
wetu Yesu Kristu, lwakwila hela
wadiŋi waheta, hakwikala kazwe-
ŋi kukoolenu, kulonda kuwuzweŋi
windi enu mwakekali aheta.

Dichi dinu, balumukenu munyichima yenu, mufunti, kulonda akajimaḡeshi nyiloḡa yenu, kulonda kwinsi yilaaka yakuhizumwisha yakuleta ḡovu jakufuma kwekala Yehova. —Yililu 3:19

Yililu 2:38

Kuchinka Petulu nindi, Balumukenu munyichima yenu, ayipapatishi wejima wenu mwijina da Yesu Kristu, kulonda kuyanakena nyiloḡa yenu; mutambuli chamukunkulu cha Spiritu Wajila.

Nukuyileja nami, nehi; chiḡa mubalumuka munyichima yenu; neyi nehi, dichu mwamba kanoḡa ninenu nawa. —Luka 13:3

Matewu 3:2

Nindi, Balumukenu munyichima yenu, muloḡa wanta wamwuwulu wunashiki dehi kwakwihi.

Nzambi wadiwili oyu nyaka yakuyamba; hakwinza katataka naleji antu ejima kwejima kwejima, nindi abalumuki munyichima. —Yililu 17:30

2 AKorinda 7:10

Muloḡa kunoḡa kwanegeshanayi Nzambi, kwaletaga kubalumuka mumuchima, kwashikaḡa kuwamwinu, hikwaletaga chikelaku; hakwinza kunoḡa kwampata yamunu mwishina, diku kwaletaga kufwa.

Muloŋa neyi mukwanakena antu nyiloŋa yawu, niTata yenu wamwiwulu wakayanakena nine-nu nawa. —Matewu 6:14

Ilaŋa neyi muntu watama wakabalumuka, hakuleka nshidi jindi jejima janavulumuniyi, hakuhemba nshimbi jami jejima, hakwila yuma yaya muwuŋaji nakuloŋa, chalala yena wakahanda, hakafwaku. —Ezekeli 18:21

Yowanu 8:11b

... Yesu nindi, Hela ami hina-kuhishuku; yaŋa kweyi, kufumi-sha kulelu bayi wufuntilamu cheŋuku.

Isaya 55:7

Watama aleki mwelaŋayi,

muntu wahena aleki mwatoŋo-jokaŋayi, afunti kudi Yehova, yena wakamutiyila wushona; afunti kudi Nzambi yetu, yena wakamwanakena nankashi.

Yililu 5:31

Yenowu anamutuumbakeshi dehi kudi Nzambi nachikasa chindi chachidiilu, ekali Mwanta niChamwinu, kulonda aleti kudi Isarela jakubalumuka munyichima, nikuyanakena nyiloŋa.

Maku 2:5

Yesu chanamoniyi kukuhwelela kwawu, hakumwila owu wakata kalepa nindi, Eyi mwanami, anakwanakeni nyiloŋa yeyi.

Kwambuka Nayuma Yampata Yamunu Mwishina

27

Muloŋa luwi lwaNzambi lwale-
tana wamwinu wawantu ejima,
lunamwekani dehi. Lwatufumba-
ŋa nawu tuleki kusekesha
Nzambi, nikufwila yatama ya-
mpata yamunu mwishina, tusha-
kami nyaka yinu nakuwundisha
mumesu, nikuloŋa, nikwakama
Nzambi. —Titusa 2:11, 12

AKolose 3:2

Toŋojokenu yuma yamwiwulu,
bayi yahamasekuku.

AEfweŋea 5:11

Bayi mukundana nayuma
yelaŋawu mumwidimaku, china
kuyikonkolola.

Welenu, ditookeshenu; fumi-
shenu kumesu ami kutama kwa-
yuma yimwelaŋa; lekenu kwila
chatama. —Isaya 1:16

1 Yowanu 2:15, 16

Bayi mukeŋa mpata yamunu
mwishina, hela yuma yamunu
mwishinaku. Neyi muntu wuku-
keŋa mpata yamunu mwishina,
kukeŋa kwaTata hikwekala mudi
yenaku. Muloŋa yuma yampata
yamunu mwishina yejima, kufwi-
la kwachisemwa chaheseki, niku-
fwila kwamesu, nikudisamba
kwamukunkulwayi kwawumi wu-
nu, hiyakudi Tatau, yamumpata
yamunu mwishina.

Ezekeli 36:26

Nakayinka muchima wawiha, nakasha spiritu yayiha mudenu. Nakafumisha muchima welola mumujimba wenu, nakayinka muchima wamusunyi.

1 Yowanu 2:29

Neyi muneluki nenu yena waloŋa, mukwiluka antu ejima eloŋa yaloŋa nenu anavwaliki kudi yena.

2 AKorinda 5:17

Dichi muntu wudi mudi Kristu, anamuleŋi dehi chachiha; yuma yayikulu yinahiti dehi, komanana yuma yejima yinabalumuki dehi yayiha.

1 Yowanu 5:18

Tuneluki netu muntu wavwalika kudi Nzambi havulumunaŋaku; muntu wavwalika kudi Nzambi wadihembana, owu watama hakumukunkaku.

Yowanu 3:3

Yesu hakumwakula nindi, Chalala chalala, nukukuleja nami, muntu kutweshana kumona wanta waNzambi china avwalika chachiha.

1 Petulu 2:23

Yena chamutukiluwu, hafuntishili cheŋi matukaku; chamweniyi yihuŋu hazuwiluku, ilana wadikunjikili kudi yena wasompešana chaloŋa.

Kunshidi Tuyafu — Kusanuka Chiya Mudi Kristu

29

A Efwesesa 2:1 ni 6

Ninenu ayihandishili chimwadiji afwa nanyiloŋa yenu nanshidi. . . Watusaŋwili chimu nindi, watushakamishili chimu nindi mumawulu, mudi Kristu Yesu.

Neyi ayisaŋwili chimu naKristu, kenenu yuma yekala mwiwulu, mwekalayi Kristu nashakami kuchikasa chaNzambi chachidiilu. Toŋojokenu yuma yamwiwulu, bayi yahamasekuku. Muloŋa mwafwa dehi, niwumi wenu anawusweki naKristu mudi Nzambi. —AKolose 3:1-3

Yena yomweni wasendeli nyiloŋa yetu mumujimba windi hamu-

tondu, kulonda etu tunafwi dehi kunshidi tuhandili kuloŋa; anayikuswishi nanyinkakambu yindi yena. —1 Petulu 2:24

AŊalija 5:24

Antu ambala aKristu Yesu apopela dehi chisemwa chaheseki kukulusu, niyuma yatiyaŋa chisemwa kuwaha, niyafwilaŋayi.

Chinjila! Etu twafwili dehi, kunshidi tuyafu, tukutwasha kuhandilamu cheŋi ŋahi? . . . Chochenochu nawa ninenu aweni difukulenu nenu kunshidi muyafu, hakwinza mudi Kristu Yesu mune kali amomi akuhandila Nzambi. —ARoma 6:2 ni 11

ANalija 6:8

Muntu wukukuwila chisemwa chindi chaheseki, wakadya kuto-ka kuchisemwa chaheseki; hakwila yena wukukuwila Spiritu, wakadya wumi wahaya nyaka kudi Spiritu.

Yowanu 3:14, 15

Chanyamwiniyi Mosi kapela hewulu mwisana, dichi chakanyamunawu niMwana kamuntu hewulu; kulonda muntu wukwitiya chakukuhwelela amoni mudi yena wumi wahaya nyaka.

Yowanu 3:36

Muntu wukukuhwelela Mwana wukweti wumi wahaya nyaka; hakwila muntu wabulana kwo-

vwahila Mwana hakamona wumuku, kuzuwa kwaNzambi kwashakama hadi yena.

ARoma 6:23

Mulona wufwetu wanshidi hikufwa, ilana chamukunkulu chaNzambi hiwumi wahaya nyaka, mudi Kristu Yesu, Mwanta wetu.

Yowanu 5:24

Chalala chalala, nukuyileja nami, muntu wukutiya mazu ami, hakukuhwelela yena wantemesheli, wukweti wumi wahaya nyaka; hakamona kumusompe-shaku, nafumi dehi mukufwa, nenili dehi muwumi.

Isaya 32:17

Mudimu wakoŋaŋa kulona yowu kumwena; kulona kwakoŋa kuwunda nakuduŋumika haya nyaka.

ANalija 4:6

Chimunekali dehi anyana kambala, Nzambi atemesha niSpiritu yaMwanindi munyichima yetu nindi, Aba, Tata.

Yowanu 14:21

Muntu wukweti mazu inayilejaŋa nakuyihemba, diyi wankenja; ninowu wankenja akumukenja kudi Tata yami, ninami nukumukenja, nukudimwekeshana kudi yena.

ARoma 8:16

Yomweni Spiritu washimunana

wunsahu hamu naspiritu yetu, nindi muyanyana kaNzambi.

1 Yowanu 3:18, 19

Enu anyanami anyanya, bayi tukena akwetu chamukanwa, hela chamukuhosha hohuku; china tuyikenji chalala nakwila mutwahoshaŋa. Kweniku diku kutukwilukila netu tudi akwansaŋu yalala, diku kutukudikoleshela munyichima yetu kumesu indi mwejima mukututanyishila nyichima yetu.

1 Yowanu 4:13

Kwiluka netu twashakama mudi yena niyena washakama mudetu hohanatwinkiyi yaSpiritu yindi.

Kristu Washakama Mudetu Waletana Muzanalu

Yowanu 17:13

Ichi dinu hinukwinza kudeyi. Hinukuhosha mwenimu hinichidi mumpata yamunu mwishina, kulonda muzanalu wami wuwanini mudi wena.

Muloŋa wanta waNzambi hiwalemema mukudya nakunwaku, walemema mukuloŋa, nimukuwunda, nimumuzanalu wamudi Spiritu Wajila.
—ARoma 14:17

ANalija 2:20

Ampopela dehi kukulusu hamu naKristu, ilana nahanda; hiyami nawaku, Kristu diyi wahandilana mudami. Chinahandana mumu-

jimba nahandana mukwitiya kwakukuhwelela Mwana kaNzambi, wankeŋeli, wadiheni kunkoolami.

Isaya 12:3

Dichi mwakaluŋa nakutaha meji mumashima awamwinu.

Yowanu 15:11

Chinayileji yumiya nalondi muzanalu wami wikali mudenu, nimumuzanalu wenu wuwanini.

Wakanleja njila yawumi; haku-shakama kumesu eyi kudi kuzaŋalala kwakweni kwamana; muchikasa cheyi chachidiilu mudi yakutiyisha nachu kuwaha haya nyaka.
—Masamu 16:11

1 Samweli 12:15

Ilaŋa neyi enu kutiyilila mwizu daYehova nehi, neyi mwakadikaŋa nanshimbi jaYehova, chikasa chaYehova chakayikalila, neyi chichakalilili ankakulula jenu.

ARoma 6:16

Mweluka dehi, neyi mukudilubula kudi muntu mwili anduŋu jindi akumwovwahila, muneli dehi anduŋu janowu mwovwahilaŋa; hela janshidi nakutwala kukufwa, hela jakwovwahila nakutwala kukuloŋa.

2 ATesalonika 1:7-9

Ninenu mwamonana lukadi kuyihiniŋishila kunooka hamu

nanetu, hakamwekanayi Mwanta Yesu hakafumayi kwiwulu muke-si kakubidima, hamu nawaŋelu jaŋovu jindi, nakuditenda hadi antu abula kwiluka Nzambi, ni-hadi antu abula kwovwahila nsagu yaMwanta wetu Yesu yayi-wahi. Wena akayibabesha nakuji-lumuka kwahaya nyaka kwaku-fuma kumesu aMwanta, nikuku-lemu kwaŋovu jindi.

Kuhituluka 11:26-28a

Talenu, lelu hinukuyishila kumesu enu ninkisu niishiŋu; nkisu, yokutiyilila kuleja kwaYehova Nzambi yena kunukuyileja lelu; ishiku, yokubula kutiyilia kuleja kwa Yehova Nzambi yenu. . .

AFwilipi 2:11

Nimadimi ejima aketeji nawu Yesu Kristu diyi Mwanta, kulonda kulemesha Nzambi Tata.

Matewu 10:32, 33

Dichi yowu wakaniteja kumesu awantu, ninami nawa nakamwiteja kumesu aTata yami wudi mwiwulu. Ilaŋa yowu wakadikalami kumesu awantu, ninami nawa nakadikalayi kumesu aTata yami wudi mwiwulu.

Muloŋa neyi wukwiteja nakanwa keyi neyi Yesu diyi Mwanta, nakwitiya mumuchima weyi neyi Nzambi wamusanwili mudi afu, eyi wukuhanda. Muloŋa namuchima muntu wetiyaŋa nakutambula

kuloŋa; nakanwa wetejaŋa naku-mona kuhanda. —ARoma 10:9, 10

Muntu wadikalana Mwana hakweti Tatak; yowu wetejaŋa Mwana diyi wukweti niTata nawa. —1 Yowanu 2:23

Luka 9:26

Muloŋa muntu wukutiya nsonyi jamami nijamazu ami, ni-Mwana kamuntu wakamutiya nsonyi hakenzayi nalubanja lwa-kulema kwindi yomweni, nikwa-Tata yindi nikwawanelu ajila.

1 Yowanu 4:2

Spiritu yaNzambi mukumwilukila hayumiya; aspiritu ejima etejaŋa nawu Yesu Kristu wenjili mumujimba, diwu akudi Nzambi.

2 ATesalonika 2:9

Chakenzayi owu mukwakulu-walala, wakenza mwakoṅeshanya-yi Satana, naṅovu jejima, nayinjikijilu, nayihayamisha yakutwamba.

1 Petulu 5:8

Babalenu, tonenu; mukwankunyi nenu diyabolu wudi nakuya nakutambatamba nakukeṅakeṅa akudyayi, neyi mutupa wabulumaṅa.

Henohu Yesu hiyakumutwala mwisana kudi Spiritu, kulonda akamweseki kudi diyabolu. . . . Yesu hakumwila nindi, Fumaku eyi Satana, muloṅa anasoneki nawu, Kadifukulaṅa kudi Yehova

Nzambi yeyi, wakakalakelaṅa yena hohu kanka windi. Henohu diyabolu hakumushiya; kutala aṅelu hiyakwinza nakumukalake-la. —Matewu 4:1 ni 10, 11

AEfwesesa 6:11

Manyekenu yitwa yaNzambi yejima, kulonda mutweshana kudikaṅa namaana adiyabolu akudimbana.

Yililu 26:18

Kulonda wutoneshi mesu awu, abalumuki afumi kumwidima enili muchejeji; afumi kuṅovu yaSatana ayi kudi Nzambi; kulonda amoni kuyanakena nyiloṅa, atambuli wuswana hamu nanawa aneli ajila nakunkuhwelelami.

Henohu dihu hakamwekeshawu yenowu mukwakuluwalala, ákanoneshawu kudi Mwanta Yesu namuuya wakukanwa kindi, ákelishawu wamukunkulwayi chakamwekanayi Mwanta Yesu hakenzayi. —2 ATesalonika 2:8

Yakoba 4:7

Dichi mwovwahilenu Nzambi, hakwinza diyabolu dikanenu nindi, niyena wukuyitemuka.

AHeberu 2:14

Chelawu anyana ekala nanyijimba yamashi, dichi niyena nawa hakwikala mwomumu; kulonda chakufwayi yena, abalumuni diyabolu wadiŋi naŋovu yakufwa ekali chimwaŋaji.

ARoma 8:35 ni 37

Wukutwambula kukukena kwa-Kristu hinyi? Yihuŋu tahindi? Kumona kukala tahindi? Makabishi tahindi? Nzala tahindi? Wuvu tahindi? Yuma yafwana tahindi? Mpoku yakabali tahindi? ... Kwakulehi! Muyuma yejimiyi tunekali akwakwimika mushindu nikubadikamu, naŋovu jayena watukeneli.

1 Yowanu 3:8

Muntu wavulumunaŋa wakudi diyabolu kwindi; muloŋa diyabolu wavulumunaŋa ho-o kufumisha kutachi. Dichi chamumwekesheleluwu Mwana kaNzambi, kulonda akisaŋani nyidimu yadiyabolu.

Atumbanji Akuyilukila Kukukeņa

37

1 Yowanu 4:20

Muntu wukwila nindi, Ami nakeņa Nzambi; iku saņa ahelelayi mana kwindi, hintwambi; muloņa muntu wukubula kukeņa mana kwindi anamoniyi, hakutwasha kukeņa Nzambi anabuli kumonyuku.

1 AKorinda 13:1

Neyi ami nahoshana madimi awantu nawanelu, ilana nabula kukeņa, neli dehi neyi mpuna yikuvuma, hela neyi nyishimpu yikuvuma ngi-ngi-ngi.

Yowanu 13:35

Neyi mukukenanana, dihu hakayilukilawu antu ejima nawu mudi atumbanji twami.

ADalija 5:22, 23a

Hakwila nyikabu yaSpiritu yowu kukeņa, muzanalu, kuwunda, kukaba kabe-e, luwi, kuwaha, kushinshika, kwovwaha, kudihemba. . . .

Yowanu 21:16

Hakumwihula cheņi kamuchi-yedi nindi, Eyi Shimona mwana kaYowanu, wankeņa? Hakumwakula nindi, Eņa Mwanta, eyi weluka chinakukunda. Hakumwila nindi, Biņaņa anyikoku jami.

Tuneluki netu tunafumi mukufwa tunenili muwumi, nanochu chitwakenana ana kwetu. Muntu wabulana kukeņa washakamana mukufwa. —1 Yowanu 3:14

Kusanyuka kwa Yesu Kristu

Yililu 10:39-41

Yetu ayinsahu twamweni name-su mwejima mweliliyi mwitunja dawa Yudeya nimu Yerusalema; yena nawa amujahili, nakumukudika hamutonde. Yena amusanwila kudi Nzambi mudi afu ifuku damuchisatu; hakumumwekesha hatooka, bayi kudi antu ejimaku, ilaja kudetu ayinsahu akutondanahu dehi kudi Nzambi, yetu twelili nikudya nikunwa nindi helililiyi nasanuki dehi mudi afu.

Yowanu 20:26-28

Chimunahiti mafuku atanu nasatu, atumbanji twindi adiqi cheni mwitala, Tomasi wadiqi hamu nawu niyena. Yesu hakwin-

za, kuyenzelu sana apatilaku; hakwimana mukachi, hakuyila nindi, Kuwunda kwikali nanenu. Hakumwila Tomasi nindi, Letaku kunu munu weyi wumoni makasami, lololaku chikasa cheyi winiji kukabavu kami. Bayi wikalantaduku, itiyaku.

Maku 16:9

Cheliliyi nasanuki dehi habudidi hefuku damulungu damuchimu, wasambilili kumwekana kudi Mariya Mandaleni afumishiliyi ademoni atanu nayedi.

ARoma 4:25

Yena amuheni akooli nyilona yetu, amusanwili kulonda etu twikali alona.

Matewu 16:21

Kufuma henohu Yesu hakutachika kuleja atumbanji twindi nindi, Chiŋa nakaya kuYerusalem, nakakaba yuma yayivulu kudi akulumpi, nikudi akulumpi jawatupristu, nikudi ansoneki; akanjaha, hetanwa damuchisatu nakasaŋuka mudi afu.

Yowanu 5:25 ni 28, 29

Chalala chalala, nukuyileja nami, mpinji yikwinza, yashika dehi, mwakutiyilawu afu izu da-Mwana kaNzambi, akutiya akuhanda. . . . Bayi muhayama chumichuku; mpinji yakenza henohu antu ejima adi mumajamu akatiya izu dindi; akedikamu; élili

chachiwahi akasaŋukila wumi, ákoneli chatama akasaŋukila kuyisompesha.

ARoma 6:3-5

Enu munayambi, tahindi? Etu ejima apapatishiluwu mudi Kristu Yesu, atupapatishili twingili mukufwa, kwindi. Dichi kuchipapatishu atujiikili chimu nindi twingili mukufwa, kulonda chasaŋwiluwu Kristu mudi afu nakulema kwaTata, dichi ninetu nawu twendi muwumi wawiha. Mulona chitunadibombi dehi nindi nachifwikija chakufwa kwindi, dichi chitukwikala nachifwikija chakusaŋuka kwindi nawa.

Luka 1:74, 75

Kulonda chakutwamwinayi kumakasa awakwankunyi netu, twakamukalakelela kumesu indi chakadi woma, nimukujila nimukulona mafuku etu ejima.

2 AKorinda 7:1

Enu akwetu twakeŋa, ichi chanatukanuwu mwenimu, tuditookeshenu kutama kwamujimba nikwaspiritu; tukoleshenu kujila nawoma wa Nzambi.

2 Timotewu 2:21

Muntu wukuditookesha nakwambuka kuyumiyi, wukwikala namba yampuhu, yajila, yatela kuŋa nachu Mwanta, yaloneshela wu nyidimu yayiwahi yejima.

1 Petulu 1:2

Enu atondewa mwaya kwiluka kwelukilana dehi Nzambi Tata, mukujila kwa Spiritu, kulonda kwovwahila nikusampula mashi a Yesu Kristu. Luwi lwikali nane nu, nikuwunda kuyivulili.

1 Petulu 1:15

Hakwila chelayi yena wayitamvikili wajila, enu nawa ikalenu ajila mumwelilana mwejima.

2 Timotewu 2:15

Kabilaku kudimwekesha kumesu a Nzambi, wumuntu aneseku wu dehi, mukwakukalakala wakadi hakutiyila nsonyi, nakulumbulula mazu ansanu yalala mwayawu mwayawu.

Isaya 35:8

Kwenoku kwakekala ninjila, akayitena nawu, Njila yakujila; mukwamajilu kuhitamu nehi, ilaŋa yakekala yanawa; akwakwenda njila, hela ayisupi, hiyakaluwila mwokuku.

AEfwesesa 1:4

Chatutondeliyi mudi yena henuhu chikuku champata yamunu mwishina chichidi kanda, kulonda tujili, tubuli hakutwinkela muloŋa kumesu indi, mukukeŋa.

1 Yowanu 1:9

Neyi tukwiteja mutunavulumuni, yena washinshika waloŋa, wukutwanakena nyiloŋa yetu naku-tutookesha kuheŋa kwejima.

Matewu 3:11

Chalala ami nidi nakuyipapatisha mumeji kulonda mubalumuki munyichima; ilaŋa owu wukwinza munyima yami wambadika novu, nkwabilu jindi ami kutela kujisenda nehi; yena wakayipapatisha mudi Spiritu Wajila nimukesi.

AHeberu 12:14

Londenu kuwunda nawantu ejima nikujila, muntu wukuchibula hamba kamona Mwantaku.

AHeberu 13:12

Dichi Yesu niyena wedikili kuchisu hakumona yihuŋu, kulonda ajiliki antu namashi indi.

Antu Enzala Spiritu

Luka 11:13

Dichi neyi enu atama muneluki kwinka anyanenu yamukunkulu yayiwahi, Tata yenu wamwiwulu wukubadika kuyinka awa akumu-lomba Spiritu Wajila.

Yililu 1:8a

Ilaŋa chakenzayi Spiritu Wajila hadenu, mwakatambula ŋovu, mwakela ayinsahu jami. . .

Ezekeli 36:27

Nakasha Spiritu yami mudenu, nakayendesha munshimbi jami, mwakahembaŋa wuŋaji wami, mwakakoŋaŋamu.

ARoma 8:9

Neyi Spiritu yaNzambi washakama mudenu, komana mudi

áSpiritu, himudi áchisemwa chahesekuku. Neyi muntu wabula Spiritu yaKristu, himuntu winduku.

Yililu 13:52

Atumbanji aswejeli muzanalu nikwinzala Spiritu Wajila.

Chanalombuwu, omu mwapo-mpeleluwu himukukanka; wejima wawu hiyakwinzala Spiritu Wajila, hiyakuhosha mazu aNzambi chakadi woma. —Yililu 4:31

Ilaŋa yena, wenzala dehi Spiritu Wajila, hakutala mwiwulu swi-i, hakumona lubanji lwakulema kwaNzambi, niYesu nemani kuchikasa chaNzambi chachi-diilu. —Yililu 7:55

Masamu 34:18

Yehova wudi kwakwihi nawanu abaluka nyichima yawu mwivumu, wayamwinaṅa antu akweti spiriti yachikeka puchi.

Muloṅa yuma yejimiya yakwila namakasami hohu, dichi yuma yejimiya hiyikwikala nikwikala. Dimu mwanahoshiya Yehova. Ti-yenu muntu inukutala chachiwahi, yowu kazweni mumuchima, wachikeka mumuchima, wazaalana izu dami. —Isaya 66:2

Chimwekeshu 21:4

Wakayikombola madilu ejima kumesu awu; hikwakekala nawa cheṅi kufwaku; hikwakekala nawa cheṅi hela kunaṅa hela

kudila hela kukataku. Yuma yakusambila yinahiti dehi.

Kuhwelelaku Yehova, ilaku chachiwahi, chochina wakashakama mwituna, wakadya chachiwahi. —Masamu 37:3

1 Petulu 4:12, 13

Enu akwetu twakeṅa, bayi muhayama chakuyesekawu nakesi kanenzi mukachi kenu nakuyikabisha, nenu kunatuwani chuma chacheṅuku. Chiṅa kuzanjalala nanochu chimuneli akwakutambwila makabi chimu naKristu; kulonda hakamwekanayi mulubanyi lwakulema kwindi, mwakanjalali namuzanalu wasweja nankashi.

AHeberu 2:18

Chakabiliyi yomweni nakumweseka, yena natweshi kukwasha antu akwesekawu.

Nzambi wakuwunda kena achi-ki Satana mwishina danyendu yenu. . . —ARoma 16:20a

Masamu 34:19

Yuma yakala yamonawu alona yayivulu; ilana yejima Yehova wayipulwishanamu.

Isaya 43:2

Chiwukuhitana muchimeji nukwikalana neyi. Chiwukuhitana mutulona, hitwakakuhita hamutuku. Chiwukuhitana mukesi, hiwakasukumaku; kwosi mulanu wakakwochaku.

ARoma 8:28

Tuneluki netu yuma yejima yakalakelana hamu, nakuletela antu akena Nzambi kuwaha, wowu atambikiliyi mwafuukwiliyi dehi.

1 AKorinda 10:13

Hikunayiwani kweseka kwabulana kutweshawu antu ejimaku; ilana Nzambi washinshika, hakwiteja kuyeseka chabadika muḡovu jenuku; chakuyesekawu wukubuzilaku njila yakupulukila, kulonda mutweshi kukakela.

2 AKorinda 4:17

Mulona lukadi lwetu lwakata-taka lwapepela, lwatukonelana pezu yakulema kwabadika nankashi, kulema kwahaya nyaka.

Chimwekeshu 3:12

Yowu wukwimika mushindu nakamubalumuna kwikala chishimi chamutembeli ya Nzambi yami, hamba kedikamu cheguku. Nakasoneka hadi yena ijina da Nzambi yami, nijina daŋanda ya Nzambi yami, yowu Yerusalem yayiha yakasuluka mwiwulu nakufuma kudi Nzambi yami, nijina dami dadiha.

Chimwekeshu 3:5

Yowu wukwimika mushindu, diyi akavwikawu mahina atooka; hinakajimaŋesha ijina dindi mukanda wawumuku, naketeja ijina dindi kumesu aTata yami nikumesu awaŋeli jindi.

Chimwekeshu 3:21

Yowu wukwimika mushindu, nakamwiteja kushakama nanami hetanda dami dawanta, neyi chinemikili ami mushindu, nashakama naTata yami hetanda dindi dawanta nawa.

Chimwekeshu 21:7

Muntu wukwimika mushindu wakaswana yumiya; nakekala Nzambi yindi, niyena wakekala mwanami.

Yowu wukweti matu atiyi mwa-kuhoshayi Spiritu nayipompelu. Yowu wukwimika mushindu nakamwiteja kudya kumutonde wawumi wekala muparadisa ya Nzambi. —Chimwekeshu 2:7

46 Mwanatulejiyi Nzambi Hansaŋu Yakuseŋa

1 AKorinda 7:10, 11

Antu akusumbula nukuyileja; hiyami nukuyilejaku, anayileji kudi Mwanta; nindi mumbanda bayi aleka nfumwinduku. Neyi wukumuleka, ashakami kwindi wujiki; mukunkulwayi akundami cheŋi kudi nfumwindi; niyala bayi aseŋa iŋodinduku.

Luka 16:18

Muntu wukuseŋa iŋodindi asumbula wacheŋi, neli wuvumbi; wukusumbula mumbanda anaseŋuwu kudi nfumwindi neli wuvumbi.

ARoma 7:2, 3a

Mumbanda wasumbuka neyala, amubombela hamu neyala nanshi-

mbi, hachidiyi iyala wamumi; ilaŋa neyi iyala wukufwa, yena mumbanda nafumi dehi kulushimbi lwanfumwindi. Dichi dinu, neyi yena mumbanda wukusumbuka neyala wacheŋi, nfumwindi wuchidi wamumi, akumutena nawu chivumbi. Ilaŋa neyi nfumwindi wukufwa, yena mumbanda nafumi dehi kulushimbi olu. . . .

Matewu 5:32

Ilaŋa ami nukuyileja nami muntu wukuseŋa iŋodindi, chiŋa hamuloŋa wawuvumbi hohu, namubalumuni dehi nindi hichivumbi; muntu wukusumbula owu mumbanda analekuwu, neli wuvumbi.

Yowanu 14:3

Chineli nami nukuya nakuyilo-
neshela mwakushakama, ami
aweni nakenza cheji nakuyi-
tambula; kulonda kunakekalami,
diku mwakekali ninenu nawa.

Chimwekeshu 3:11

Nukwinza swayi; kwataku chi-
wudi nachu mbe, kulonda abuli
kukutambula chibaaba cheyi.

Maku 8:38

Muntu wukuntiyilami nimazu
ami nsonyi muchisakichi chawu-
vumbi chanshidi, Mwana ka-
muntu niyena wakamutiyila nso-
nyi hakenzayi mulubanzi lwaku-
lema kwaTata yindi nawanelu
ajila.

Matewu 24:30

Kulondela henohu, mwiwulu
mwakamwekana chinjikijilu cha-
Mwana kamuntu; kulondela heno-
hu, nyuza yahamaseki yejima
akatumpa, akamona Mwana ka-
muntu wudi nakwinza hamavu
amwiwulu, nanovu nilubanzi lwa-
kulema kwakweni.

Dichi ninenu diwunjikenu, diko-
leshenu munyichima yenu, mu-
loŋa kwinza kwaMwanta kudi
kwakwihi. —Yakoba 5:8

Matewu 24:27

Muloŋa china chakenaŋa nvula
kumusela yimwekana nikumu-
jika, dichi chamba kela nihamba
kenzayi Mwana kamuntu.

1 Yowanu 3:2

Enu akwetu twakena, bohanu tudi anyana kaNzambi; chitwakenkela kanda chimwekanuku, ilana tuneluki netu chakamwekanayi twakafwana neyi yena, nanochu chitwakamumona chekalayi.

Chimwekeshu 16:15

Talenu, nakenza neyi chenzana ikombi! Muntu wukutona, wukuhemba mahinindi, kulonda abuli kwenda nzekesi antu abuli kumona nsonyi yindi, nakooleki.

Luka 12:40

Dichi ninenu nawa babalenu, mulona mpinji yimukubula kutojojoka, diyi yakenzayi Mwana kamuntu.

Yililu 1:11

Hiyakwila nawu, Enu amayala akuNaliliya, munemenidi nakutala mwiwulu? Iwu Yesu anatwaluwu mwiwulu, wakenza neyi chochenichi chimunamumoni nakuya mwiwulu.

Matewu 16:27

Mulona Mwana kamuntu wakenza mulubanzi lwakulema kwaTata yindi nawanelu jindi, wakenka antu ejima mwashikila nyidimu yawu.

Luka 21:27

Henohu akamona Mwana kamuntu hakwinza mwivu, nanovu yayeni, nalubanzi lwakulema kwa-sweja.

Mazu aNzambi

Luka 21:33

Iwulu dakahita, niiseki nawa;
mazu ami hiyamba kahitaku.

2 Timotewu 3:16

Nyikanda yajila yejima
ayonena dehi kudi Nzambi;
yawaha kuleja nachu, nikutan-
yisha nachu, nikwolola nachu,
nikufumba nachu mwalona.

Masamu 119:11

Izu deyi nadisweki mumu-
chima wami, kulonda nibulana
kukuvulumuna.

Kuhituluka 4:2

Mazu inukuyileja bayi
mwakalunjika kwokuku, hela
kufumishaku nehi, kulonda
mwakahembaŋa chachiwahi

kuleja kwambala kwaYehova
Nzambiyenu kunayilejaŋa.

Matewu 22:29

Yesu hakwakula nindi, Mwe-
nda muluwa; kuluwa kwenu
kunafumi hakubula kwiluka
nyikanda yajila, hela novu
yaNzambi.

2 Petulu 1:21

Mulona kwosi wuprofwetu
wenzahu dehi chakufuma
kumuchima wamuntuku; ilana
antu ahosheli chakufuma kudi
Nzambi, chakuyihoshesha kudi
Spiritu Wajila.

Izu deyi hiinona dakunyen-
du yami, hichejeji chamunjila
yami. —Masamu 119:105

**Published in numerous languages by the World Missionary Press
as God supplies funds in answer to prayer. If you would like more
copies for careful distribution, write in English to:**

**World Missionary Press, Inc.
Box 120
New Paris, Indiana 46553 U.S.A.**

Zambia

**Text copyright Bible Society of Zambia.
Used by permission.**

158 Lunda Ndembu
Printed in USA